

Klub zastupnika_ca Naše stranke i Klub zastupnika „Država“
u Zastupničkom domu Parlamenta Federacije Bosne i Hercegovine
Sarajevo, 19.3.2022.

BOSNA I HERCEGOVINA
Federacije Bosne i Hercegovine
PARLAMENT FEDERACIJE
SARAJEVO

Primljeno: 21-03-2022			
Org. jed.	Broj	Priloga	Vrijednost
01-	02-	732	17

Dostaviti:
Bosna i Hercegovina
Federacija Bosna i Hercegovina
Parlament Federacije BiH – Zastupnički dom
n/r Mirsad Zaimović, predsjedavajući

Uputiti predlažu: Vlada Federacije BiH

PREDMET: AMANDMANI NA PRIJEDLOG ZAKONA DOPRINOSIMA

Poštovani,

Na osnovu članova 184. i 185. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljamo amandmane na *Prijedlog Zakona o doprinosima* u Federaciji BiH (u nastavku teksta – *Prijedlog*) predlagača Vlada Federacije BiH.

AMANDMAN 1.

U članu 23. stav (3) mijenja se i glasi:

„(3) Mjesečne osnovice za obračun doprinosa osiguranika iz stava (1) proizvod su iznosa prosječne plaće i:

- a) koeficijenta 0,29 za osiguranika po osnovu poljoprivrede,
- b) koeficijenta 0,29 za osiguranika po osnovu šumarstva,
- c) koeficijenta 0,65 za osiguranika po osnovu obrta i srodne djelatnosti,
- d) koeficijenta 0,65 za osiguranika po osnovu ostalih samostalnih djelatnosti,
- e) koeficijenta 1,10 za osiguranika po osnovu profesionalnih djelatnosti.“

OBRAZLOŽENJE:

Povećanje koeficijenta kojim se množi prosječna plata rezultirat će značajnim povećanjem osnovice za 2022. godinu. Posljedična promjena opterećenja u drugoj polovini 2022. godini rezultira skoro neutralnim ili negativnim efektom za veliku većinu samostalnih preduzetnika, osim za osiguranike po osnovu poljoprivrede, čije se opterećenje po osnovu doprinosa umanjuje za značajnih 40 KM na mjesečnom nivou. U 2022. godini bi osiguranici po osnovu obrta, srodnih djelatnosti i ostalih samostalnih djelatnosti koji čine veliku većinu samostalnih djelatnosti (62%) bili rasterećeni za tek 15 KM mjesečno u odnosu na trenutni nivo doprinosa.

Negativno će biti pogođeni paušalci, a naročito negativno će biti pogođen mali broj trgovaca pojedinaca koji dohodak obračunavaju na osnovu poslovnih knjiga.

AMANDMAN 2.

U članu 24. stav (3) mijenja se i glasi:

„(3) Mjesečna osnovica za obračun doprinosa proizvod je iznosa prosječne plaće i koeficijenta 0,55.“

OBRAZLOŽENJE:

Već u 2023. godini će predloženi način obračuna osnovice zbog naglog rasta prosječne plate potpuno promijeniti nivo opterećenja na štetu svih grupa samostalnih poduzetnika. Uz konzervativnu pretpostavku da će se zbog proširenja poreske osnovice prosječna plata povećati za dodatnih 90 KM u odnosu na njen dosadašnji trend rasta, jasno je da će već u 2023. godini 90% samostalnih preduzetnika osjetiti značajno veće opterećenje po osnovu doprinosa u odnosu na opterećenje koje bi imali da se trenutni Zakon ne promjeni, a da trend rasta prosječne plate ostane isti. Ovo rješenje odgovara samo osiguranicima po osnovu poljoprivrede. Za očekivati je da će rast prosječne plate zbog proširenja poreske osnovice vrlo vjerovatno biti značajno veći, a time i opterećenje na obrtnike.

AMANDMAN 3.

U članu 24. stav (4) mijenja se i glasi:

„(4) Izuzetno od odredbe stava (3) ovog člana, mjesečna osnovica za obračun doprinosa, za osiguranike koji obavljaju niskoakumulativne djelatnosti starih tradicionalnih zanata utvrđenih posebnim propisom, za osiguranike koji obavljaju prijevoz putnika samo s jednim sredstvom prijevoza i bez zaposlenika i za osiguranike po osnovu trgovca pojedinca, je proizvod iznosa prosječne plaće i koeficijenta 0,29, a za obveznike koji obavljaju poljoprivrednu djelatnost ili kućnu radinost mjesečna osnovica za obračun doprinosa je proizvod iznosa prosječne plaće i koeficijenta 0,25.“

OBRAZLOŽENJE:

Prijedlog ne uzima u obzir činjenicu da je minimalno opterećenje po osnovu doprinosa za veliku većinu obrtnika (njih 74%, koji trenutno obračunavaju osnovicu doprinosa po koeficijentima 1,1, 0,65 i 0,55) od 2016. godine značajno veće u odnosu na minimalno opterećenje koje je propisano za plate vlasnika drugih oblika poslovnog organizovanja.

Pravilo da obrtnici nose značajno viši nivo obaveznog opterećenja po osnovu doprinosa će se nastaviti i sa rješenjima iz ovog Prijedloga, čak i ako minimalna plata bude značajno uvećana. Obrtnici neće osjetiti rasterećenje novim propisom, dok će prosječna plata biti rasterećena za 87 KM, a minimalna za 31 KM. 99,5% samostalnih poduzetnika bi u 2022. godini osjetilo značajno smanjenje iznosa obaveznih doprinosa sa koeficijentima za obračun osnovice koji su predloženi amandmanom. Također, razlika u fiskalnom opterećenju samostalnih poduzetnika u Federacije BiH i Republike Srpske bi prihvatanjem ovog Amandmana postala manje značajna, odnosno nivo opterećenja u FBiH ne bi bio poticaj stanovnicima FBiH da svoju djelatnost zbog

nižeg opterećenja registruju u RS. To je naročito važno s obzirom da Vlada paketom zakona pokušava izjednačiti fiskalno opterećenje na ugovore o djelu i ugovor o radu.

S poštovanjem,



Nasiha Pozder
Zamjenica predsjednice
Kluba zastupnika_ca Naše stranke



Amer Obradović
zamjenik predsjednika
Kluba zastupnika „Država“